

SERMON TROISIEME

Sur Hebr.chap.X II. vers.4.5.6.

- 4 Vous n'auez point encore resisté iusqu'an sang en combatant contre le peché.
- 5. Et auez oublié l'exhortation laquelles parle à vous comme aux enfans, dis sant, mon enfant, ne mets point à nonchaloir la discipline du Seigneur, & ne perds point courage quand tu es reprins de luy.
- 6. Car le Seigneur chastie celuy qu'il aime, & fouëtte tout enfant qu'il aduouë.



A prouidence diuine, mes freres, se fait admirer en la conduitte de l'Uniuers, au mouuement des cieux, en

l'ordre des saisons, en l'entretien des creatures, & en l'addresse d'icelles à Ieurs fins; car la terre ne defaut point à la generation de ses plantes, de ses metaux, de ses mineraux, & de ses animaux pour le service de l'homme. Et le Soleil qui sort come vn espoux de fon cabinet nuptial, ou comme vn homme vaillant qui s'esgaye de faire sa course, ne cesse point d'esclairer cét vniuers par des mouuemens reglez. Mais si nous regardons à la prouidence diuine en la conduicte & direction des desordres & des iniquitez qui aduiennent entre les hommes, & considerons qu'il en tire le bien de ses enfans & sa gloire, nous la trouuerons digne de plus grande admiration que celle par laquelle il conduit toutes les creatures inanimees: car comme on n'admire pas tant l'industrie du Pharmacien quand il tire quelque liqueur, quelque suc, ou quelque essence vtile à la fanté de l'homme des choses qui sont bonnes & excellentes en elles mesmes, que quand il tire cela des poisons, & qu'il conuertit les venins

Sur Hebr.chap.12.vers.4.5.6. 85 en choses vtiles: pource qu'il faut que l'art soit d'autant plus exquis qu'il corrige & surmonte la nature des choses.

De mesmes, quand Dieu tire la lumiere de ce beau Soleil, ou l'ordre reglé des saisons & du iour & de la nuict du reglé mouuement des cieux, cels est moins admirable que quand il tire des actions des hommes les plus iniques & des maux les plus griefs & plus douloureux, le bien & salut de ses enfans, car ce faisant il surmonte la nature des choses, & en tire ce qu'il sembloit qu'elles ne pourroyent donner. loseph admiroit & representoit cette prouidence à ses freres, leur disant, mans auiez pensé mal à l'encontre de moy, mais Gen.soi Dieu l'a tourné en bien. Car toutes les offenses qu'ils luy auoyent faites en le vendant pour esclaue, auoyent esté converties en moyens de les entretenir en vie pendant la famine. Et S. Paul la represente aux fideles pour leur consolation Rom. 8, difant, que toutes choses aident ensemble on bien à ceux qui aiment Dieu, A.A. Common San Common C

C'est ce qu'il fait maintenant quand

il.represente aux Hebreux que leurs souffrances estovent vn combat contre le peché, & vn moyen par lequel Dieu comme vn sage & bon Pere les corrigeoit de leurs defauts, en sorte que ce que le monde faisoit iniquement à l'encontre d'eux, il le tournoit à leur bien & salut. Ci deuant il les 2 consolez par l'esperance de la remuneration & leur a representé la nature de la foy laquelle regardoit la gloire & beatitude du siecle à venir : apres il a mis en auant l'exemple de tous les fideles en tous les aages de l'Eglise, commençant par Abel, & suiuant par les Patriarches; & à cela il a ioinct l'exemple de Iesus Christ, le Chef, disant, Ven donc que nous auons une si grande nuce de tesmoins, poursuiuons constamment la course qui nous est proposee, regardans à Iesus Chef & Consommateur de la foy, lequel pour la ioye qu'il auoit en main a Souffert la croix & s'est assis à la dextre du throne de Dieu. Parquey considerez diligemment celuy qui a souffert une telle contradiction des pecheurs à l'encontre de soy, afin que vous ne deueniez lasches en defaillant

Sur Hebr.chap.12.vers.4.5.6. defaillant en vos courages. Maintenant il employe vne nounelle consideration pour inciter les Hebrieux à patience;à sçauoir que Dieu iusqu'à lors n'auoit pas permis que leurs souffrances fussent extremes: & que le combat qu'ils soustenoyent estoit tourné par la sagesse & bonté de Dieu en vn combat contre le peché, pour leur correction & sanctification en ces mots, Vous n'auez point encor resisté iusqu'au sang en combatant contre le peché : & auez oublié l'exhortation laquelle parle à vous comme aux enfans, disant, Mon enfant, ne mets point à nonchaloir la discipline du Seigneur, & ne perds point courage quand to es reprins de luy. Car le Seigneur chastic celuy qu'il aime & fouette tout enfant qu'il aduone. Esquelles paroles l'Apostre propose deux poincts,

L'vn est la mesure des souffrances des Hebrieux, disant, qu'ils n'auoyent

point encor resisté iusqu'au sang.

Et l'autre, le fruict & l'vsage des afflictions, parlant du combat contre le peché, & de la sagesse de Dieunous chastiant comme ses enfans.

F iij

I. POINCT.

Quant au premier, l'Apostre ayant dir aux Hebreux qu'ils considerassent combien grande contradiction des pecheurs Iclus Christ auoit soufferte à l'encontre de soy, entre par la grandeur de cette contradiction, en consideration de la mesure de leurs souffráces: car celles de Iesus Christ auoyét cossisté en croix & effusió de sang:mais Dieu n'auoit pas permis qu'eux fussent persecutez iusques à esfusió de sang ,bié que la persecution eust esté fort griefue, ayant consisté en opprobres & rauissemens de biens; selon qu'il leur dit, d'une part voiu anez esté eschaffandez deuant tous par opprobres & tribulations, & de l'autre vous auez esté faicts compagnons de ceux qui estayent ainsi harassez: Car vous anez ausi esté participans de l'af-Action de mes liens, & auez receu en ioye le ranissement de vos biens, cognoissans en vous mesmes que vous anez une meilleure cheuance és cieux & qui est permanente.

Et encor que du commencement S. Estienne & S. Iaques eussent esté mis à mort pour l'Euangile, cette persecution ne s'estoit pas estenduc plus outre, tellement que tout le corps auoit esté espargné. L'Apostre donc leur ramenteuant ce support de Dieu., nous apprend que c'est de nostre deuoir de reconnoistre en nos maux la bonté par laquelle Dieu ne permer pas que nous fouffrions tout ce que nous pourrions fouffrir: & que c'est iniustice & ingratitude enuers Dieu, de nous plaindre phistost de nos maux, que de benir Dieu de ce que nos souffráces sót moderees,& ne vont pas au degré auquel elles pourroyét aller. Tute plains, ô hóme, de la rigueur de Dieu en ton endroit, mais ne vois-tupas encorreluire sabonté sur toy, en ce qu'il borne ton affliction & ton espreuue à tel & tel poinct? C'estoit la meditation du Prophete Ieremic Lament.chap.3.1e ramene ceci en mon cœur, & pourtant auray-ies osperance, que ce sont les gratuitez de l'Evernel que nous n'auons point esté consu-

més, d'autant que ses compassions ne sont point defaillies, elles se renouvellent par chacun matin ; c'est chose grande que sa sidelité. Mais nostre iniustice & nostre ingratitude est telle que nous passonspar dessus les effects de l'indulgence diuine,& nous nous plaignons de sa rigueur; nous ne comptons pour rien les biens, & les mettons pour choses deues, nous ne regardos que les maux comme choses qui ne nous deuoyent point aduenir; au lieu qu'il hous faloit dire aucc les fideles au Pseaume 103. L'Eternel est pitoyable, mifericordieux, tardif à colere & abondant en gratuité: Il ne nous a point faict selon nos pechez, & ne nous a point rendu selon nos iniquitez.

Pour nous ayder à cela, il faut comparer nos afflictions aux plus griefues de nos prochains. Les Hebreux deuoyent comparer la perte qu'ils auoyent faicte de leurs biens à la souffrance de ceux qui pour l'Euangile auoyent respandu leur sang, & auoyent esté mis à mort. Certes, mes freres, en

Sur Hebr. chap.12.vers.4.56. 89 nos maux, les excez de tristesse & l'ennui ne viennent que des mauuaises comparaisons que nous faisons: Tu te plains de ce que tu es malade depuis quelques mois, mais il y en a qui le font depuis plusieurs annees: tu te plains que tu as perdu le tiers ou la moitié de tes biens, & il yen a qui ont perdu le total; & si tu as aussi perdu le total de tes biens, cósidere que la santé t'est demeuree, & l'industrie pour te tirer de l'extreme disette, voire parauenture pour releuer tes affaires; au lieu qu'il y en a plusieurs qui n'ont ni biens, ni santé, ni industrie pour se subuenir. Toy qui es trauaillé de douleurs & maladies continuelles, considere que parauenture tu as des biens pour estre subuenu & serui, & que diuerses benedictions resplendissent sur toy desquelles d'autres sont priuez, à la condition desquels, à tout prendre, tune voudrois pas estre reduit. En outre, si tu as quelque griefue indisposition corporelle, Dieu te conserue vn esprit sain duquel plusieurs ont perdu la vigueur & la lu-

miere par les maux. Nous pourrions, mes freres, parcourir de la sorte les autres afflictions, & faire voir que nous trouuerons tousiours en quelqu'vn de nos prochains quelque chose de fort grief, dont la comparaison auec nostre souffrance ferme la bouche à nos plaintes & nous oblige à patience : Mais fi ces mots de l'Apostre[que les Hebreux n'auoyét point souffe rt iusqu'au sang,] nous enseignent nostre deuoir, aussi nous monstrent-ils la conduite de Dieu enuers nous, & nous apprennent que Dieu espargne ses enfans, seló qu'il est dit Pse. 103. De telle compassion qu'un pere est esmeu enuers ses enfans, de telle compassion est esmeul'Eternel enners ceux qui le renerent, car il sçait bien dequoy nous sommes faits. Se sounenant que nous ne sommes que poudre. Le soin qu'il a de nostre salut le porte à nous choyer selon que l'Apostre disoit 1. Cor.10. Tentation ne vous a point saisis sinon humaine, car Dieu est sidele qui ne permettra point que vous soyiez tentez outre ce que vous pounez, mais il donnera l'issue anec la tentation, afin que vous la puissiez soustenir.

Sur Hebr.chap.12.vers.4.5.6. nir. Et comme Icsus Christ enquis, pourquoy ses disciples ne ieusnoyent pas, comme ceux de Ican Baptiste? refpondit qu'on ne met point du vin nouueau Matth. 91 en des ouaires vieux, autrement les ouaires se rompent & le vin s'espand, ni une piece de drap escru à vn vieil vestement, depeur que la piece n'emporte le vestement, voulant dire que ses disciples eftans infirmes, il ne vouloit pas leur imposer des exercices & des trauaux qui furpassassent leur portee : que le temps viendroit auquel l'espoux leur seroit osté, & qu'alors ils ieusneroyent : c'est ce que Dieu fait enuers nous, discernant les temps, & la portee de ses enfans. Et ce mot encor, employé par l'Apostre, vous n'auez pas encor refi-Ré infqu'au fang] monstre qu'ils pourroyent bien à l'aduenir estre appelez à ce degré de souffrances : comme il aduint en effect. Il te suffise, fidele, que dest vne parfaicte sagesse qui iuge de tu portee, & de la mesure d'espreuue qui t'est conuenable, & que la mesme bonté par laquelle Dieu borne à present ton affliction à certaine mesure,

est celle qui te soustiendra & te sorti-siera lors que la tentation sera plus grande. Aussi ce mot encor nous apprend que Dieu nous veut former à patience par degrez, qu'il dispense des espreuues moindres pour nous rendre capables de plus grandes : comme il auoit voulu exercer les Hebreux par opprobres & tribulations pour les disposer à exposer finalement pour luy leurs vies & espandre leur sang. Dieu, mes freres, vie enuers nous de la prudence dont vià Rechab enuers ses enfans, qui apperceuant les ruines & les Irrem. 6. desolations dont le peuple d'Israel estoit menacé par les Prophetes, & le transport du peuple en captiuité, dispo-

sa ses enfans à patience en ces rudes espreuues, en les faisant abstenir de boire vin & planter vignes, d'edifier maisons, & semer chaps, afin que cette espreuue les rédist plus sorts és maux futurs. Considere cela attentiuement (fidele) qu'il te faut preparer par les espreuues presentes à des plus rudes de l'aduenir, afin que tu dies à parttoy, si ie porte si impatiemment l'affliction presente, presente, comment est-ce que i'en porterai de plus griefues, ausquelles Dieu, peut estre, me veut appeler pour sa

gloire?

D'abondant ce propos de l'Apostre, que les Hebreux n'auoyent point encor resisté iusqu'au sang, nous fait voir, que Dieu tient la bride à nos ennemis, & modere & retient, ou leur passion, ou leurs mains, à ce qu'ils ne passent point les bornes qu'il a ordonnees à nostre souffrance: Si les Hebreux n'auoyent pas estépersecutez iusqu'au sang, il appert par la cruauté des Iuifs exercee contre Icsus Christ mesme, & en suite contre S.Estienne & S.Iaques, qu'il ne tenoit point à eux qu'ils ne passassent contre les autres de leur nation qui auoyent embrassé l'Euangile, iusques à mesme essusion de sang, mais que Dieu par sa secrette & admirable prouidence les auoit retenus. Il met (ainsi qu'en Esas). parlent les Prophetes) vn frein & vn Eleib.29. mords en la bouche & és iouës de ses ennemis, lors mesmes qu'il les employe à chastier son Eglise, à ce qu'ils n'excedent ce qu'il luy plaist. Vous le

voyez mesmes en Saran au regard de Iob, quand Dieu luy permit de frapper Iob, il luy prescriuit des bornes dans lesquelles il fallut qu'il se tinst, à sçauoir, premierement que le frappant en ses biens il ne le toucheroit point en son corps: secondement quand il luy permit de le frapper en son corps, qu'il ne luy pourroit oster la vie. Voila, (ôennemis) la prouidence qui vous retient d'executer tout ce que vous voudriez bien à l'encontre des fideles: sa main est celle qui tient la vostre: vous estes la cognee & le baston dont Esa.10. il ne frappe que comme il luy plaist: & pourtant c'est luy, & non vous, que nous auons à craindre.

II. POINCT.

Voila quant à la mesure des souffrances des Hebrieux. Voyons-en le fruict & l'vsage qui est le second argument de consolation que l'Apostre leur propose. Cét vsage est contenu és mots de combattre contre le peché, vous n'auez point encor resisté iusqu'au sang en cobattant

Sur Hebr.chap.12.vers.4.5.6. battant cotre le peché; ce qui est expliqué par les fuiuans, & auez oublié l'exhortation laquelle parle à vous comme aux enfans, disant, mon enfant, ne mets point à nonchaloir la discipline du Seigneur. L'Apostre voulant dire que Dieu addresfoit les souffrances des fideles à la mortification du peché & à la correction de leurs defauts, rapportant les iniques efforts de leurs ennemis à de salutaires chastimens de leurs pechez. Or les termes de l'Apostre sont remarquables, Premierement celuy de combat, comme s'il vouloit dire, ne vous plaignés point du combat qui vous est liuré au dehors par les ennemis de l'Euangile, puis que Dieu l'addresse à vn combat interieur qu'il vous fait liurer à l'encontre d'vn ennemi beaucoup pire que ceux de dehors, à sçauoir le peché: Vous deuez prendre en gré vn combat d'ennemis charnels qui vous acquiert la victoire d'un ennemi spirituel qui vous eust fait perir à iamais: les playes que vous souffrés d'eux en vos biens ou en vos corps tournent au salut de vostre ame. Et partant il y 2

fuiet de consolation. L'Apostre donc nous apprend à faire comparaison de nos diuers ennemis, à sçauoir les hommes, & le peché; afin que iugeans combien il nous vaut mieux estre mal traictés du monde, qu'estre vaincus du peché, nous acquiescions à la coduite de Dieu quand il suscite les hommes à l'encontre de nous. Voyons donc quel est ce peché & comment il est combattu par nos souffrances.

Le peché se prend ici pour le corps du peché qui est en nos membres; L'amas des conuoitises charnelles que l'Escriture appelle le vieil homme, la chair qui est l'inclination à offenser Dieu, & vne corruption habituelle de toutes nos facultez. C'est ce peché qui est la source de tous les autres, & coinprend tout cequi est en nous d'irregeneré & du vieil Adam: à raison dequoy il est appellé vieil homme. C'est ce peché duquel parle l'Apostre Rom. 6. quand il dit, Que le peché ne regne poins en vostre corps mortel pour luy obeir en ses connoitises: que nostre vieil homme a esté crucifié auec les us Christ à ce que le corps

Sur Heb.chap.12.vers.4.5.6. de peché fust destruict, & que ne servions plus à peché. Au chapitre septiesme il appelle ce peché, peché pechant, & vne Loy, (c'est à dire vne efficace & force) bataillante contre la loy de l'entendement & nous rendant captifs à la Loy de peché. Or pour bien entendre comment ce peché est combattu dans les fideles par leurs afflictions, il faut considerer le siege principal & l'origine de ce peché, à sçauoir la vie animale laquelle les afflictions combattent directemer. Car bien que le peché ait occupé les *** plus hautes facultés de l'ame, l'entendement & la volonté, neantmoins son origine & son premier siege est la sensualité, la partie inferieure de l'ame, en laquelle resident les appetits corporels & les desirs des sens : d'où comme d'vne cloaque ou d'vn bourbier sont esseuez des brouillards espais qui obscurcissent l'entendement & le rendent tout charnel; Et c'est à raison de cette origine & principal siege du peché qu'il est appelé, chair, & corps en l'Escriture, comme Rom. 8. Si par l'esprit vous mortifiez les faits du corps vous vi-

ŊŚ

du

įζ

ςà

cl

urez; l'Apostre entendant par les saits du corps les mouuemens de la vie animale; aussi le peché se deriue en nous par la generation & naissance que nous receuons de nos pere & mere, pource que l'homme transmet auec la substăce de son corps le principe des appetits corporels tels qu'il les a depuis la cheute du premier homme, à sçauoir desreglés & corrompus. Ce peché guerroye contre l'entendement, c'est à dire contre les lumieres de la raison & les notions communes de justice & equité, & mesmes contre les lumieres de la Lov, és hommes non regenerez, & y combat auec tant d'aduantage qu'il emporte vne absoluë victoire, les resistances de la lumiere naturelle ou de la Loy estànts trop soibles pour la force qu'il a dedans nous. Et en ceux qui sont regenerez il combat contre l'Esprit, c'est à sçauoir contre le principe surnaturel de la sanctification que nous auons de l'Esprit de Christ: contre lequel encor qu'il ait par fois de l'aduantage ; ce n'est iamais totalement, de sorte qu'il puisse esteindre la vie

Sur Hebr.chap.12.vers.4.5.6, 99 vie spirituelle, mais seulement en partie, & sinalement il succombe, ayant receu de l'Esprit vne playe mortelle pour laquelle il n'a plus son empire & sa premiere vigueur: selon que dit l'Apostre Rom.8. La Loy de l'Esprit de vie qui est en Iesus Christ m'a affranchi de la loy de peché.

Ce peché donc demeurant en nous, Dieu employe les afflictions de la vie pour le combattre. Car comme ainsi soit que ce peché n'a pour ses obiects que les biens de la chair & du sang, & n'est à vray dire que l'amour du monde, la conuoitise des yeux, la conuoitise de la chair, & l'outrecuidance de la vie, il est aisé de reconnoistre que comme l'aise & la prosperité charnelle luy entretiennent sa vigueur, aussi le vray moyen de l'affoiblir & le mortifier est l'affliction & l'aduerfité. Le parle des regenerez, esquels agit l'Esprit de Dieu, car és autres le peché s'irrite plustost par les aduersitez, semblables au cheual qui regimbe contre l'esquillon. Es regenerez l'affliction est comme un secours qui vient à l'esprit contre la

chair, en ostant la force à celle-ci :tout de mesmes que quand on tire force fang à vn homme robuste & puissant, on l'abbat, & le rend-on finalement plus foible qu'vn enfant. Car n'est-ce pas,ie vous prie,vne aide à l'esprit pour nous faire regarder les choses celestes par l'esperance Chrestienne, que de nous sevrer des biens que nous nous promettons en la terre, & ne nous y faire rencontrer qu'amertume & ennui? N'est-ce pas vne aide & vn secours à l'esprit contre les voluptez charnelles que les maladies & les douleurs corporelles? Et contre l'auarice & l'ambition,l'experience que Dieu nous fait prendre de la vanité des biens & honneurs de ce fiecle par les indignitez,les mespris & offenses que nous receuons du monde? Contre l'amour excessif de cette chair (que nous entretenons auectát de soin en son embonpoinct, & en laquelle plusieurs constituent tout leur plaisir & toute leur gloire) les maladies, dont plusieurs nous sont voir son infection & pourriture, & toutes nous aduertissent de sa dissolution. Adiou-

Sur Hebr.chap.12.vers.4.5.6. 101 ioustez que toutes afflictions estás des chastimens pour les pechés que nous auons commis, & pour les vices auf quels nous nous sommes laissez emporter, elles nous obligent à demander à Dieu pardon de nos pechés, & à n'y pas retourner: selon que lesus Christ disoit au paralytique, Va & ne peches Icans. v. plus que pis ne l'aduienne. Pour toutes 14. ces taisons Dauid disoit Ps. 119. Deuant que ie fusse affligé, i'alioye à traners chaps, mais maintenant ô Dieu, ie garde ta Parole : il m'est bon d'auoir est é affligé afin que ie gardetes commandemens. Venés donc ô fideles, admirer tout ensemble la sagesse & la bonté de Dieu és afflictions qu'il dispense à ses enfans, & en la croix qu'il enuoye à son Eglise. Si donc vous regardés vos ennemis, dites que ce sont des medecins & des chirurgiens que Dieu enuoye pour vos ames; que leurs offenses & oppressions sont les medecines ameres par lesquelles il veut purger les mauuaises humeurs de l'ame, c'est à dire ses vices & pechés: que les playes que vous receuez du monde, sont les coups de rasoir qui re-

ď

102 Sermon Troisieme

tranchent de vos esprits les superfluités & excrescences qui s'y estoyent formees.

Or l'Apostre explique & verifie ce propos par les paroles de Salomon, au chap.3. des Prouerbes, Mon enfant ne mets point à nonchaloir la discipline du Seigneur, & ne perds point courage quand tu es reprins de luy : car le Seigneur chaftie celuy qu'il aime , & fouette toutenfant qu'il aduoue Il est vray qu'au liure des Prouerbes les paroles sont vn peu differentes de celles que nostre Apostre allegue, mais c'est vn racsme sens : c'est pourquoy nostre Apo-stre n'a pas estime deuoir se departir de la version Grecque des septante interpretes, laquelle estoit lots en vlage entre les Juifs Helkeniltes:Se-Ion l'Hebrieu il y a mot à mot, Mon fils, ne rebutte point l'infirmation (ou chastiment) de l'Eternel, & ne t'ennuye point de ce qu'il te redargue : Car l'Eternel redargue celuy qu'il aime, mesme comme un pere l'enfant auquel il prend plaisir. Ce qui nous apprend que ce n'est pas aux mots & syllabes, mais au fens

Sur Hebr.chap.12 vers.4.56. 103 sens de l'Escriture Saincte qu'il se faut arrester.Or l'Apostre dit aux Hebreux, premierement qu'ils ont oublié cette exhortation: là où par l'oubliance il faut plustost entendre yn desaut de mœurs que de memoire, à sçauoir vne negligence à rechercher les moyens de s'affermir en la foy & és vertus Chrestiennes, & des desirs excessifs d'obtenir vne prosperité temporelle. C'est ainf, mes freres, que nous oublions les textes & paroles de l'Escriture, encor que nous en retenions la lettre & les mots, on que nous les oyions ou recitions fouvent. Secondement il dit que cette exhortation parle à eux commo à des enfans, ayant efgatd non seulement à ce que ce passage porte, que Dieu chastie celuy qu'il aime comme le Pere l'enfant qu'il a à plaisir, mais aussi à ce que celuy qui parle au liure des Prouerb. appelle son enfant la perfonne à laquelle il addresse son propos, Mon enfant ne rebute point l'instruction du Seigneur : ce qui nous monstre qu'il faut considerer en ce liure non tant Salomo, que la Sapience celeste, ou Dieu

Sermon Troisieme

104

mesine parlant par la bouche de Salomon. Et de faict Salomon n'a esté en ce liure que l'organe du Sain& Esprit & de la Sapience de Dieu : en sorte que nous puissions dire qu'il y a ici vn plus grand que Salomon. Et quand vous ovez la Sapiéce Diuine s'addresser aux affligés auec ces paroles cordiales & auec tat de benignité & d'amour en ce tiltre, Mo enfam n'est-ce pas pour nous apprendre, premierement à nous reuestir des entrailles de compassion & de charité enuers les affligés pour estre touchés de leurs maux 3 comme nous ferions de ceux de nos propres enfans? Secondement à ne pas rudoyer les affligés, pour ne pas accroistre leur affliction par nostre rigueur. Car si Dieu mesme s'addressant, aux affligés les traicte auec douceur & auec des esmotions d'amour, qu'est-ce que nous ne deuons point faire, veu que ceux à qui nous parlons sont nos freres, nostre chair & nostre os, & que nous sommes - subiets à mesmes infirmités & miseres qu'eux ? En troisseme lieu (ô fidele) si tu vois Dieu traicter l'affligé comme fon

Sur Hebr.ch.12. vers.4.5.6. 105 fon enfant, pren courage, & dique quand l'affliction te viendra, les consolations de Dieu te viendront pour te subuenir & assister, puis qu'il reuest enuers toy des affections de Pere; & que ton affliction esmeut & renouvelle en luy son amour.

Quant à l'exhortation elle contient deux choses, l'vne ce qu'elle requiert de nous, & l'autre les raisons. Ce qu'elle requiert est de ne pas mettre à nonchaloir la discipline ou le chastiment du Seigneur, & de ne perdre point courage, quand nous sommes repris de luy. Aulieu de mettre à nonchaloir, il y a en la langue de Salomon le mot de rebuter ou reietter; Et au lieu de perdre courage, il y a le mot de s'ennuyer. Et tout cela tresbien quant au sens; pource qu'en nos afflictions nous manquons en deux façons, à sçauoir ou par securité charnelle, mespris & rebellion: ou par defaillance de courage, ennui & desespoir. Ie di premierement par securité charnelle & mespris & rebellion; Cen'est pas que nous ne nous foucions point de l'affliction en soy: car estans fort deli-

cats pour petite qu'elle soit nous y sommes tousiours fort sensibles, & nostre chair nous est tousiours si chere que nous ne mettons à nonchaloir aucuns de nos maux: mais nous les mettons à nonchaloir au regard de leur vsage & du but pour lequel Dieu les enuoye qui est nostre correction. C'est ce que nous negligeons lors que nous fommes fort sensibles à l'affliction quant à la chair: ainsi que Dauid nous represente Pseaume 32. que lors que sa vigueur fut changee en secheresse d'esté & que la main de Dieu s'appesantissoit fur luy iour & nuict, il ne fit que braire tout le long du iour,& neantmoins no faisoit point à Dieu cofessió de son peché, & demeuroit dans la fraude à desguiser son peché, & dás vn siléce d'endurcissement. Doncques le but & vray vsage de l'affliction estant nostre amédement, nous mettons à nonchaloir l'assistion & le chastiment de Dieu, quand nous demeurons en nos pechés & nous y endurcissons. Comme Ieremie disoit chap.5. Eternel, ta les as frappés, & ils n'en ont point senti de deuleur: tu les

Sur Hebr.chap.12.vers.4.5.6. 107
tu les as consumés, & ils ont resusé de receuoir instruction: ils ont endurci leurs saces plus qu'une roche, ils ont resusé de se
conuerir. Ainsi Esaie represente chapitre 1. Qu'il n'y auoit rien d'entier en
Israël, depuis la plante du pied insques
au sommet de la teste, que ce n'estoit
que playes & meurtrissures par les catamités que Dieu leur auoit enuoyees,
& que neantmoins on ne se conuertissoit point à Dieu, on ne cessoit point
de mal faire, on n'apprenoit point à
bien faire.

L'autre manquement és afflictions est l'ennuy & dessaillance de courage; comme quand Iob vient à maudire le iour de sa naissance pour la durce & l'accroissement de ses afflictions : & quand Ieremie vient à s'escrier que sa Lament. force est perie & son esperance faillie chap.; par deuers l'Eternel : Et quand Asaph ennuyé de ce qu'il estoit battu iournellement, & que son chastiment reuenoit tous les matins, dit que c'est en vain qu'il a laué ses mains en innocen-ps. 3 doubte que Dieu ait cognoissance, & doubte que Dieu ait cognoissance, & qu'il y ait intelligence au Souue-

rain. Et ces defauts comprennent le despit & le murmure : despit duquel il est dit Iob. 5. Certainement le courroux tue le fol, & le despit fait mourir le sot, à quoy il oppose d'auoir recours à Dieu qui fait la playe & qui la bande. Ieremie en ses Lamentations chapitre 3. dit , Pourquoy se despiteroit l'homme viuant, voire l'homme pour ses pechés ? Recerchons nos voyes & les sondons, & retournons iusques-à l'Eternel, leuons nos mains auec nos cœurs au Dieu fort qui est és cieux, disans, nous auons forfait, nous auons esté rebelles, & pourtant tu n'as point pardonné. Or à bon droict ont esté ioints par nostre Apostre ces deux defauts, à sçauoir la negligence qui vient de mespris & orgueil, & la defaillance de courage qui vient de foiblesse & lascheté; pource que d'vne extremité on tombe en l'autre; vous verrez l'orgueilleux qui a mesprisé les aduertissemens & desdaigné les corrections de Dieu, tombant apres dans le desespoir: de la securité & negligence il tobera dans la frayeur & l'anxieté. Apres qu'il aura experimenté combien a esté vaine Sur Hebr.ch.12.vers.4.5.6. 109 vaine la confiance qu'il auoit au bras de la chair, il tombera en deffiance de tout, & de Dieu mesme.

Or voici les raisons que nostre Apostre allegue contre ces manquemens. Premierement que c'est de Dieu de qui nous viennent ces afflictions : Secondement qu'elles sont corrections & chastimens. Et en troissesme lieu que c'est de l'amour de Dieu que prouiennent ces chastimens, & de la qualité de Pere qu'il a enuers nous. Premierement donc c'est de Dieu de qui nous vient l'affliction; Et Prouerb.3. est employé le nom de Iehoua qui exprime le souuerain estre de Dieu; afin que nous considerions & son authorité, & la parfaite sagesse de laquelle il agit, & qu'à l'vn & à l'autre de ces esgards nous dissons comme Dauid, le me suis teu & Ps.39. n'ay point ouvert ma bouche, pource que c'est toy qui l'as fait. Car quant à l'authorité, comment murmurer contre celuy de qui nous tenons la vie, le mouuement & l'estre ? La chose formee (disent les Prophetes) dira-elle à celuy qui l'a formee, pourquoy m'as-tu ainsi faite? Que le Es.45. Sermon Troisieme

pot debatte contre les autres pots de terre: mais malheur sur celuy qui debat contre celuy qui l'a formé. Pourtant disoit tresbien Heli lors que Samuel luy eut recité les iugemens que Dieu luy auoit declaré vouloir exercer sur luy & sur ^{I.Sam.3.} fa maison , c'est l'Eternel, qu'il face ce qui luy semblera bon. Et que dirons-nous si Iesus Christ luy mesme le Fils de Dieu a consideré cette authorité de Dieu en fes maux, pour y acquiescer, disant, Pere, s'il est possible que cette coupe passe ar-Matt. 26. riere de moy toutes fois non point comme ie veux, mais comme tu veux. Mais à cette authorité souveraine est joincte vne parfaicte sagesse, telle qu'il ne peut y auoir aucun manquement: Que si cela est, il faut necessairement que nous y acquiescions, bien que nous ne comprenions pas les raisons & les motifs de sa conduicte. Or denier à Dieu vne parfaicte sagesse en tout ce qui est de fa conduicte & prouidence enuers nous, seroit luy denier d'estre Dieu: veu que l'essence diuine & vne souueraine sagesse sont inseparables : ce seroit nier qu'il fust Createur de ce grad vniuers.

Sur Flebr.ch.12.vers.4. 5.6. III vniuers, où nous voyons toutes choses disposees par vne sagesse tres-parfaicte: car celuy qui a si bien addressé l'ouurage des cieux & de la terre, pourroit-il manquer ailleurs? L'argille, (dit Esaïe) dira-elle à celuy qui l'a farmee que fais-tu, Esa 45. Est un'as point d'addresse pour 10n ouurage?

טז

reŀ

ľ¢.

Oİ

fu!

q#

ısti

ieľ

eГ

еű

ni

18

e;

111

1Ĉ

La seconde raison de l'exhortation de Salomon est que l'affliction est vne correction, vne reprehension, vne difcipline, vn chastiment; car les termes de Salomon & de nostre Apostre emportent toat cela. Or qui es-tu, ô hom- ~ me, qui voulusses que Dieu ne reprist, ne corrigeast & ne chastiast point?voudrois-tu que tout fust en desordre en -l'Vniuers? que Dieu ne se pleust pas d'y voir la Iustice & saincteté qui est son image, mais y laissast regner son contraire sans aucune punition & vengeance?& qu'ainsi il se reniast soy mesme ? Voudrois-tu qu'il se deportast de gouverner & conduire le monde & ion Eglise, pour laisser vn chacun viure à sa volonté? voudrois-tu voir en la maison de Dieu & en sa famille ce que

tu ne voudrois pas souffrir en la tien-ne? car tu ne voudrois pas souffrir tes enfans fans correction & chaftiment? Que si tu dis que tu vois bien en cette famille de Dieu plusieurs que Dieu espargne, le te responds trois choses: La premiere que tu ne sçais pas ce que Dieu reserue à ceux que tu regardes: La seconde, que ceux-là mesme ont leur forte de chastiment encor que tune la vois point; & que leurs defauts estans differents des tiens, il est de la sagesse de Dieu que la correction en soit difference. La troissessme, que toy-mesme en ta famille choyeras vn enfant qui a quelque indisposition particuliere, pendant que tu chastieras l'autre, bien qu'ils soyent tous deux coulpables; garde toy donc de controoller la sagesse de Dieu en la correction que elle t'addresse. Que si tu reconnois que c'est vne correction, il faut necessairement que tu la prennes en gré, sinon que tu prisses plaisir de demeurer dans le defauts & les vices : auquel cas il faudroit que tu renoçasses non seulement à la piecé, mais mesime à la droi-

Sur Flebr. chap. 12. vers. 45.6. 113 te raison. Car si la lumiere naturelle t'oblige à supporter vne medecine, pource qu'elle corrige quelque vice de ton corps ou de ton temperament, pourquoy ne supporteras-tu la medecine laquelle corrige quelque vice de ton esprit? Or est à remarquer qu'en la langue de l'Apostre le mot de discipline ou chastiment & correction, vient du mot d'enfant, exprimant la correction laquelle les defauts & vices de l'enfance, l'imperuosité & la folie de la ieunesse, nous obligent d'apporter si nous ne voulons que nos enfans soyent sans vertu & incapables de tout bié.Or ceci nous apprendra en passant qu'enuers Dieu nostre folie est vn desreglement d'appetits semblable à celuy des enfans, & de faict la passion qu'a vn enfant à son ieu & à ses iouëts, laquelle luy faict rebuter l'estude & la science, est-ce pas la folie & passion des hommes apres les plaisirs & voluptez de la vie,& apres l'or & l'argent? veu que les passions charnelles de l'auarice & de l'ambition sont vn trauail à amasser de la poussiere de la terre & du vent, cho=

Sermon Troisieme

ses aussi friuoles que les iouëts & osselets des enfas. Or pour ces choses nous rebutos l'estude de la sapiéce, & la recerche des choses diuines & celestes.

La troissesse raison de l'exhortation de Salomon à ne pas negligerla discipline du Seigneur est le motif duquel elle prouient, à sçauoir l'amour, en ces mots "Le Seigneur chastie celuy qu'il aime, & fquette tout enfant qu'il aduoue. Qui espargne la verge hait son fils, mais qui l'aime se baste de le chastier, dit le mesme Salomon Prou.13. & chap.23. Tufrapperas l'enfant de la verge, & tu deliureras son ame de mort. Si doneques, ô homme, tu chasties ton enfant par amour & par le soin que tu as de son salur, pourquoy ne reconnois-tu le mesme motif és chastimens que Dieu t'adresse: Voudrois-tu auoir plus d'amour & de bonté envers tes enfans que Dieu enuers les siens, veu que ce que tu as d'amour, de charité & de vertu, n'est qu'vn rayon & vne petite image de l'amour, de la charité & des perfections que Dieu a enuers nous? Pourtant, comme lesus Christ disoir, Si vous qui estes

Sur Hebr.chap.iz.vers.4.5.6. estes maunais, sçauce donner à vos enfans choses bonnes, combien plus vostre Pere Lucii; qui est és cieux, nous dirons, Si vous, qui estes mauuais, chastiez neantmoins vos enfansparamour, combien plus sera-ce par amour que Dieu nous chastiera? Il est donc impossible, ô homme, que tudenies à Dieu ce motifde tes chastimens, que tu ne le despouilles de la verité de les perfections; Que si Dieu nous chastie par vn motif si fauorable, comment pouuons-nous rebuter son chastiment ou nous en ennuyer? ou comment plustost ne luyen rendons-nous des remerciemens & des actions de graces ? Et c'estici o fideles, où vous deués vous discerner d'auec les enfans de ce modeile motif par lequel Dieu punit ceux-ci, apres qu'ils ont refulé les semonces de sa grace, est la iustice vengeresse, son ire, sa haine; mais, quát à vous qu'il a separés du méde & qui aucz esté enseignez de luy, c'est le soin de vostre salut, qui le porte à vous chastier selo que dit l'Apostre 1. Cor.11. Quand nous sommes ingez, nous formmes suseignes parle Seigneur, afin que

ŀ

ųį

ď

IC(

ľ

ĺ

10

ď

OB

jű

Ś

Œ

ıi,

Digitized by Google

116 Sermon Troisieme nous ne soyons condamnez auec le monde.

Ce soin que Dieu a de nous,& son amour prend sa certitude & sa fermeté de la qualité de Pere que Dieu a prise enuers nous. C'est pourquoy nous remarquons cette qualité pour quatriesme raison és paroles de nostre texte.Car Dieu agit enuers les hommes selon deux qualitez, l'vne de Legislateur & de Iuge pour laquelle il laisse chacun à soy mesme pour remunerer ou punir selon qu'on aura obei ou desobei, & c'est ainsi que Dieu agit enuers le commun des hommes; L'autre est la qualité de Pere qu'il a enuers ses esleus & fideles, par laquelle comme il les a regenerez & adoptez à soy par lesus Christ, les retirant de leur rebellion naturelle, aussi il les traicte continuellement comme Pere, les enseignant & corrigeant pour les conduire à l'heritage qu'il leur a preparé. Considerez donc, sideles, que ces maux desquels vostre chair se plaint, sont des effects de la grace de laquelle Dieu vous a doptez en Iesus Christ, & solon laquelle il veut vous rendre con-

formes

Sur Hebr.chap.12.vers.4.5.6. 117 formes à l'image de sa mort & de sa re- Rom, 6. surrection. Medités donc la grace de vostre adoption, selon que l'Apostre nous la propose, Ephes. I. quand il dit que Dieu nous a predestinez pour nous Rom. 2. adopter à soy par Iesus Christ, & Iesus Christ quand il nous prescript d'appeller Dieu nostre Pere qui est és cieux, & nous dit, le m'en vay à mo Pere & à vostre Pere, à mon Dieu & à vostre Dieu: C'est cette qualité en laquelle l'Eglise dés l'Ancien Testamét cerchoit sa cósolation cotre ses afflictions, Esa. 63. disant, certes tu es nostre Pere, encor qu'Abraham ne nous reconnust point, & qu'Israel ne nous aduonast point, Eternel c'est tog qui es nostre Pere, & ton no est nostre Redépteur de tout temps. N'es-tu pas aussi en cette qualité-là en laquelle Dauidse consoloit lors qu'il disoit; Quand ie n'aurois Ps.17. pour moy pere ny mere, l'Eternel me reeueillira, Et Diéu luy mesme consoloit Esa.490 par elle son Église, disant, la mere peut elle oublier son enfant, qu'elle n'ait pitié du fils de son ventre? Or quand les femmes auroyent oublié leurs enfans, si ne t'oublierois ie pas moy, a dit l'Eternel Et qu'est-ce

de.

for

M¢.

pri

OU

1112

۲X

le.

U.

12

er ei

çd

nei

rl bo

no

le

1117

01 W

Digitized by Google

que l'Esprit d'adoption nous suggere & nous fait dire, pour nous consoler en nos maux? Il nous fait crier Abba, c'est à dire Pere dauantage ce tiltre comprend en son estendue tout ce que nous pouvons concevoir de douceurs & d'argumens de la bonne volonté de Dieu enuers nous, pour nostre deli-urance & pleine consolation.

Or il faudroit que nous deduisissions l'aduantage qu'a ce Pere celeste sur les terriens, au regard de l'amour & de la dispensation des chastimens; mais s'est ce que nostre Apostre sera és versets suivants. C'est pourquoy nous a-uons à finir ce propos par nostre instruction & consolation en remarquat au prealable quelques doctrines de ce texte contre nos Aduersaires.

Doctrines et Conclusion.

La promiere doctrine est contre le Purgatoire, lequel ce texte deferuit entierement. Car le Purgatoire a esté basti sur ce discours, que Dieu apres auoir receu en grace ses enfans & leur auoir pardoné, ne laisse pas

Sur Hebr.chap.12.vers.4.5.6. 119 de les chastier & visiter de diuerses afflictions, & que, cela estant, Dieu pardonne bien la peine eternelle des pechés qui est la peine des enfers, mais non pas vne peine temporelle : partant que si on ne la souffre en cètte vie, à proportion des pechés qu'on a commis, il en faut paracheuer la fouffrance apres cette vie en vn feu. Et ainfiils presupposent que Dieu est enuers les fideles comme un luge qui punit des criminels en ire pour satisfaction à la iustice; or cela est renuersé de sonds en comble en nostre texte; auquel nous voyons que Dieu chastieses enfans, non en son ire, ni pour fatisfaire à faiustice, (car sa iustice est satisfaicte & son ire appaisee en Iesus Christ) mais pour saisfaire à son amour, de sorte que le motif de ses chastimens soit l'afféction de Pere par laquelle nous ayant pardonné nos pechés en lesus Christ, il veut nous aduancer en saincteté. Or puis que ce qu'il chastie & redarque les fideles n'est que pour leur a mendement, aussi ses chastimens ne p euuent auoir lieu enuers ses enfans H iiii

que pendant le cours de cettevie qu'ils ont en eux des defauts & pechés, & qu'ils sot capables d'amendemet. Car il n'y a apres la mort pl'de lieu à l'amédemet; ni doc plus de lieu à des punitios enuers des enfans, puis qu'elles ne peuuent estre que pour leur amendement.

Secondemét en ce que l'Apostre reproche aux Hebreux l'oubliace de l'Escriture eu esgard à ce qui estoit enseigné dans le liure des Prouerbes, rémarquez trois choies, l'vne, qu'en ce temps là l'vsage de l'Escriture Saincte estoit familier & comun entre les fideles : & qu'il n'y a nulle excuse pour l'ignorance de l'Escriture és simples fideles, puis que c'est en eux que nostre Apostre la blasme dans nostre texte. Et certes si en l'Escriture Dieu parle à nous comme à des enfans, ainsi que le dit icy l'Apostre, pour quoy ne sera-elle commune & familiere à tous les enfans de Dieu? sera-elle obscure és choses necessaires, puis que Dieu y parle à nous comme à des enfans, lesquels il veut instruire & enseigner ? La seconde est que l'Escriture Saince, si nous la confultons,

Sur Hebr.chap.12.vers.4.5.6. 121. sultons, nous remplira de sapience & de consolation contre toutes afflictions, selon qu'il est dit Rom.15. tes choses qui ont esté auparauant escrites, ont esté escrites pour nostre endoctrinement, asin que par patience & consolation des Escritures nous ayons esperance. La troisieme chose est que l'Apostre dit que l'Escriture parle à nous; Or si cela, est, qui sont ceux qui l'appellent vne regle muette, & vn luge qui ne decide rien & ne dit mot? Non, non, ô aduersaires, l'Escriture, ou plustost Dieu par les Escritures, nous parle voire bien expressement & clairement, tant contre les pechés des hommes que contre les erreurs & superstitions, Et si Dieu en l'Escriture parle à nous comme à des enfans ; Doncques nous y reconnoistrons lavoix de nostre Pere, & partant ne faut pas qu'on nous die, d'où sçauez vous que l'Escriture est vraye Parole de Dieu? non plus qu'à des enfans, à quoy connoissez-vous la voix de vostre Pere? les brebis oyent bien la voix de leur berger & la discernent de celle de l'estranger, & pourquoy Ieas 10.

122 Sermon Troisieme

des enfans ne reconnoistroyent-ils par l'esprit que Dieu leur a donné, la voix de leur Pere?

Mais, mes freres, si nous regardons nos mœurs on nous pourra bien diro que nous auons, beaucoup plus que les Hebreux, oublié l'exhortation qui parle à nous comme à des enfans Pourtace maintenantramenteuons-nous et que le Seigneur nous dit par Malachie, Le fils honore le pere, & le seruiteur son Seigneur; si donc ie suis Pere, où est l'honneur qui m'appartient? Voulons-nous, mes freres, obliger le Seigneur, par nos rebellions à nous traicter; non en Pere, mais en luge rigotreux non en son amour, mais en fon ire? non en enfans, mais en criminels? & jusques à quand pensons nous abuser de son indulgerice & bongé ? Confiderons par nostre texte que Dieu par fois chastie le peché in quan fang : afin que nous nous iugions noirs mesmes, pour n'estre pas rugés en ceste seucrité? Combattons, combattons, mes freres, contre le peché par la reconnoissance des bienfaits de Dieu & de ses graces, afin que nous

Sur Hebr.ch.12.vers.4.5.6. nous n'ayions à le combattre par la fouffrace de diuerses calamités; Et vous qui vous plaignez & murmurez contre Dieu pour vostre codition & vos soulfrances, à sçauoir prination d'offices & d'employs, rebut, mespris & haine qu'on a contre nostre profession d'où prouiennée diverses griefues afflictios, founciez-vous que vous n'auez point encores resisté insqu'au sang en combattant contre le peché: & que nous auons à louër Dieu de son support, & reconnoistre sa bonté. Au reste apprenez que nous deuős tout à lesus Christ, non seulement biens, employ & charges, mais auffi les vies mesmes, & partant que nous nous trompons, 'si nous auons firiui Iesus Christe à condition que ce ne fust pas insqu'au sang. Mais considerez, mes freres, que si Dieu nous appelle à quelque soussrance & quelque perte, c'est pour nostre bien,& pour le foin qu'il a de nostre salur, e'est pour nous destacher de la terre & nous esseuer au Ciel, & pour mieux possede? nos cœurs & nos affections: Secondemér qu'il remunerera en dos & graces

24 Sermon Troisieme

de son Esprit toutes les pertes que nous ferons pour son nom; que nous receurons cent fois autant en benedictions spirituelles que tout ce que nous aurons perdu, & apres cela la vie eternelle. En general, mes freres, apprenons à adorer la conduite de Dieu en nostre endroit; puis que ce qu'il fait est pour combattre en nous le peché, & qu'il agit en toutes choses comme Pere pour nous conduire à son but.Remplissons-nous donc de courage & de consolation contre tous maux, par vne pleine certitude & persuasion de son amour: Disons en nos maux qu'est-ce qui nous separera de la dilection de ce Pere? Disons en nos anxietez, ce Pere qui nous a pris par la main droite nous conduira par son conseil, & sinalement nous receura en gloire. Disons en la mort que nous passons de ce monde au Pere: Finalement, puis que relle est l'amour du Pere celeste enuers nous, aimons-le reciproquement, afin que comme il rapporte toutes choses, santé, maladie, prosperité, aduersité, vie & mort, à nostre bien & salut,

Sur Hebr.chap.12.vers.4.5.6. 125 falut, aussi nous rapportions toutes choses à sa gloire.

Dieu nous en face la grace.

Sermon prononcé en Apuril 1636.

